



1. marts 2024

UPA 2024/95

Inatsisartut suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

**Ilinniartoqarfinni ilinniakkamik unitsitsiinnartarnerup annikillisarnissaanut atatillugu suliniutit suut aallarnisarneqarsinnaanersut innersuussuteqartussamik Naalakkersuisut nalunaarusiornissaat anguniarlugu Inatsisartut aalajangiiffigisassaattut siunnersuut. Nalunaarusiaq atukkanik iluarisimaarinninneq pillugu misissuinerit aallaavigalugit ilinniartoqarfinni qanoq ilinniakkamik unitsitsiinnartarnerup annikillisinnissaanut iluaqutaasussanik imaqassaaq.**

(Inatsisartunut Ilaasortaqaq Nivi Olsen, Demokraatit)

### Tungavilersuut

Isertuussassaangilaq nunatsinni ilinniarsimassuseq siunissaq pillugu aningaasaliiffingaaatsiartaratsigu, tamannalu aamma ingerlatiinnassavarput. Ilinniarsimassuseq qaffasinnerusoq innuttaasumut ataatsimut inuiaqatigiinnullu pingaaruteqarpoq. Innuttaasut ataasiakkaat akissarsiaginnerulerlutillu inuunerissaarnerulissapput. Inuiaqatigiinnullu assigiinngitsutigut pissarsiassaqqarpoq; soorlu tikisitanik suliertortitsinerit ikilissapput aammalu akileraarutigut isaatitagit amerleriassapput. Tamannalu tungavigalugu nalornissutaassangilaq ilinniarsimassuseq qaffassartuaannassagatsigu.

Pitsaasuvoq nunatsinni ilinniarsimassuseq qaffakkiartuinnavimmat. Pitsaanngitsorli tassaavoq, kigaappallaamik ineriartorneq ingerlammat, inuusuttullu amerlavallaat suli ilinniarnermik naammassinnissimangimmata. Tamanna oqallisigisariaqarparput misissorlugulu. Aningaasaqarnermut Siunnersuisooqatigiit misissuisimanermi nalunaarummi kingullermi ilinniartoqarfinni ilinniakkamik unitsitsiinnartarnek ajornartorsiutitut annertoorujussuurtut tikkuarpaat. Aninaasaqarnermut Siunnersuisooqatigiit allapput: (Issuaavunga):

*“Peqatigisaanik ilinniakkat tamaasa akimorlugit taamaatiinnartarnek annertuvoq. Taamaatiinnartartut qaffasissusaata ilinniartitaanermik aaqqissuussinerup ilinniartut pisinnaasaat malillugit ingerlanneqarneranik apeqquummik pilersitsivoq. Ullumikkut atugarissaarnermik misissuinerit assersuutigalugu piumasaqaataangillat, taamaatiinnartarnermullu annertuumut patsisaasut piviusumi ilisimaneqanngillat.”<sup>1</sup>*

Aningaasaqarnermut Siunnersuisooqatigiinniit ajornartorsiutitut tikuuunneqartoq tusaaneqartariaqartoq Demokraatiniit isumaqarpugut. Ilinniakkamik unitsitsiinnartarnerup taama qaffasitsigineranut pequtaasinnaasut misissorlugit aallartittariaqarpugut. Ilinniakkat ilai kukkusumik aaqqissuussimavagut? Ilinniartut ilinniakkamik naammassinnissinnaanissaanut piareersarluarsimangilagut? Ilinniartoqarfiut tungaaniit aammalu ilinniartut akunnerminni naatsorsuutigineqartut inissilluarsimanginnerpaat?

---

<sup>1</sup> Aningaasaqarnermut Siunnersuisooqatigiit, 2024-mi ukiup affaani siullermi nalunaarusiaq



Tamanna ilisimangippallaarparput. Taamaattumik Naalakkersuisut ilinniakkamik unitsitsiinnartarnerup taama qaffasitsinera pillugu nalunaarusiamik sananissaannut piumaffigineqassasut siunnersuusiorpunga. Aammalu kissaatigaara nalunaarusiaq ilinniartut atukkanut iluarisimaarinninnerat pillugu misissuinertaqarnissaanik immikkoortumik peqassasoq, ilinniakkamik unitsitsiinnartarnerup peqqutaat tassaniissinnaammata.

Taamatut oqaaseqarlunga Naalakkersuisut Inatsisartunilu partiit sinneri siunnersuutinnut qanoq isumaqarnersut tusassallugu qilanaaraara, neriullunga siammasissumik ilalernerqarumaarlunga

**Pisortanut aningaasatigut allaffissornikkullu kingunissai**

Nalunaarusiamik suliaqarneq atorfillip ukiumut sulinerannut 500.000kr. naleqartup qaangerneqarnissaa naatsorsuutigineqanngilaq.

**Namminersorlutik inuussutissarsiuteqartunut aningaasatigut allaffissornikkullu kingunissai**

Soqanngilaq.

**Innuttaasunut aningaasatigut allaffissornikkullu kingunissai**

Soqanngilaq.